

Alþingi
bt. nefndasviðs Alþingis
v/ Austurvöll
150 REYKJAVÍK

9. maí 2012
Tilvísun: 2012050013/11.0

Efni: Umsögn við frumvarp til laga um neytendalán (heildarlög, EES-reglur).

Fjármálaeftirlitið vísar til tölvupósts, dags. 3. maí sl., þar sem Efnahags- og viðskiptanefnd Alþingis óskar eftir umsögn Fjármálaeftirlitsins um frumvarp til laga um neytendalán (heildarlög, EES-reglur).

Frumvarpið felur í sér innleiðingu á tilskipun 2008/48/EB og átti eftirlitið aðkomu að samningu þess. Fjármálaeftirlitið gerir ekki efnislegar athugasemdir við frumvarpið og styður framgang þess.


Þó er rétt að koma nokkrum sjónarmiðum á framfæri.

- Fjármálaeftirlitið er fylgjandi því að Neytendastofu sé falið eftirlit með framkvæmd laganna eins og er samkvæmt núgildandi lögum.
- Bent er á að frumvarpið er fremur flókið og því áriðandi að verði það að lögum að gefið verði út skýringarrit um efni þeirra. Slík útgáfa myndi stuðla að því að lögin nái markmiði sínu og að neytendur verði upplýstir um réttarstöðu sína.
- Í ljósi ákvæða um lánshæfis- og greiðslumöt sbr. 10. gr. frumvarpsins er áriðandi, verði frumvarpið að lögum, að reglugerð um það efni sbr. 2. mgr. 10. gr. frumvarpsins verði samin og gefin út hið fyrsta.

Það er mat Fjármálaeftirlitsins að verði frumvarpið að lögum þá muni þau stuðla að betri áhættustýringu hjá eftirlitsskyldum aðilum. Jafnframt má gera ráð fyrir því að vextir og lántökukostnaður hækki til skamms tíma vegna aukinnar upplýsingagjafar til lántaka.

Virðingarfyllst,

FJÁRMÁLAEFTIRLITIÐ


Halldóra E. Ólafsdóttir


Guðrún Áslaug Jónsdóttir